

光鄆陵縣志卷十三

知縣侯官何鄂聯纂補

麗藻志三

行狀 墓誌銘 墓表

宋

故尚書工部侍郎致仕贈禮部尚書崔公行狀

原註本貫開封

府鄆陵縣儀鳳鄉鳳凰里

韓

琦安陽人

崔出姜姓始齊丁公之嫡曰季子以其國推叔乙而食采於崔因而命氏十六世孫業為漢東萊侯居清河之東武城至後魏殿中尚書休始與其弟寅分大小房休號大房自元魏歷周隋間世居顯仕而至唐九盛與盧李鄭三姓遂為諸侯

之望而崔爲之首曾祖諱光表清河大房休之後十二世孫也後唐同光初舉進士爲天下第一終右補闕直史館祖諱周度性忠鯁敢言周初爲兗州節度判官其帥慕容彥超叛卽以大義譬責之復引近世逆順禍福以爲監不聽卒爲其所害周祖聞而傷之贈祕書少監父諱汝礪以父死節尙幼朝廷欲優其廩給乃以爲左班殿直後以家世儒者恥從武弁之列遂棄官歸鄆陵安處先廬不以榮利爲意以公貴累贈尙書兵部侍郎公諱立字本之侍郎之次子也少警悟博學而尤長於古文時柳公仲塗爲世大儒學者師仰一見公文而奇之於公卿間比比延譽咸平二年秋舉進士於開封府試入高等明年春及第補果州團練推官都有徵奉監官

府試入高等明年春及第補果州團練推官
物於他州苦其道路之險乃率衆錢僱便舟而下其守姜從
革者發其事法官張昇引率歛條坐始謀與率錢卒三人皆
當斬公曰醵錢私已與本意於公殊科罪當杖固執不從姜
怒乃以其獄聞請下有司詳讞卒如公議姜與法官俱得罪
滿歲用是改大理寺丞知大名府臨清縣事丁侍郎憂去服
除知壽州安豐縣事屬歲大水壞期斯塘民失灌溉之利者
殆千餘家公亟募工徒補塞隄障日暴露於塘下踰月而塘
完民以安業轉殿中丞徙通判廣州事改太常博士嶺南舶
商所湊珍貨叢委至者一爲利所動則囑其故節公素以清
約自守凡彼之所有不市一錢官滿但舟貯俸緡所餘而還
時文懿張公爲本道轉運使常嘆服之曰古之所爲廉吏者

恐無以過此俄丁母延安郡太君李氏憂去官服闋通判許州事改屯田員外郎知江陰軍事仁宗卽位以恩增秩都官邑有利港者舊溉民田數千頃歲久湮廢公諭其民開濬之曰初雖少勞而其利無窮民皆樂然獻力建成官無少費而民利如故又開橫河六十里以通漕運舟楫之便天子嘉之兩賜詔書褒美代還會東都塞汴河命公提舉受納稍草是時所費旣廣旁逮數路之民皆被科擾公度興功過半薪隄山積而所逋之數尙數百萬皆單細之戶力不能堪者公獨抗奏願一切蠲放保無所乏朝廷從之衆大蒙惠遷職方員外郎知隸州事城中池素曷鹵民苦水泉不給公擇衢巷要便之地爲浚百井而間有甘冽者衆謂公至誠之感闔郡歌

樂之累遷都官郎中歷知漢相潞三州事以明道恭謝天地
恩遷職方俄轉太常少卿知兗州事值歲大蝗旱民罹凶歉
公度荒政之急而爲常法所拘者一皆濟以權宜唯上所罪
又募里豪出粟數十萬斛以哺饑者所活甚衆而施浹旁境
繼徙鄆涇二州就拜右諫議大夫改知耀州事耀民氣豪喜
訟號難治始至繫囚滿獄公爲區判善惡勸沮明白未幾民
服公化境內以清代歸民走漆沮二水之次邀公呼曰吾之
父母今焉往至羣臥石上使公馬不得前公爲回駕翌日由
間道乃得去至闕以年漸高筋力不強願補閑僻之郡乃出
知濠州事轉給事中年甫七十卽上書曰臣老矣於國家之
事力不能勉幸乞臣骸骨以歸田里上憐之進秩工部侍郎

致仕公既歸鄆之私第遂謝絕人事治家圃羅植松竹中起
小亭曰葆光自號葆光子終日隱几於其間每良辰美節則
召親族以觴咏爲娛樂心休休然自謂處羲皇之世如是者
凡五年一日體中不佳召諸子而謂曰人生得七十者爲少
而吾壽已過之又官爲丞郎汝輩皆爲京寺之官女配吉士
吾自顧無一不足者夫生而死物理之常也汝輩但師吾忠
孝無甚悲也諸子與家人皆環侍號泣不能勝而公神色不
少變而終君子以爲達性命時慶歷三年十一月三日也公
方重沉敏不妄喜怒外雖嚴莊而內極仁恕平居斂衽危坐
凜然如在官府中家人輩皆悚戢自飭無敢遽步於前者三
性至孝二親之亡水漿不入口者累日蔬食柴毀見者嗟憫

之事其兄中舍君允謹順諸姪少孤皆奏以官義均已于歷
治十郡所至務以約制煩以靜勝擾而政一出於仁惠凡議
罪有不合法意或所誅不當其情者則類從輕比故民感而
易化所去殊思之性本恬晦不自夸耀以道平進志不可屈
文靜呂公乃公之同年生也文懿張公乃向爲監司知公之
深者也而公足未嘗一妄及其門常曰人苟公而待物當自
知我必欲求而後知則吾豈爲此當東郡之督薪芻也內臣
閻文應方爲小官與公共事文應舉動或不如法公必極言
規正之後入爲內都知權傾中外威公疇昔誨勗之恩百計
一見公而不能得其自重如此前後上封事言時政利害得
失凡四十事多見施用能文之外復長於篇詠文正范公嘗

謂某曰余向在江陰多見崔公詩格清而意遠詩人之作也
有集二十卷自名巴歛集茲又見其謙德之高也夫人冉氏
故職方員外郎宗閔之女淑行純德宗族師法門內之助肅
然以和封仁壽郡君先公而亡年六十六以其年十二月十
三日葬公與夫人於鄭州之新鄭縣臨洧鄉先侍郎之墓次
男三人長勉天聖五年擢進士第強勉能政終大理寺丞次
公孺性渾厚有高識多聞博覽爲國子博士僉書終武軍節
度判官事次長孺和雅善屬文終大理寺丞女四人長適部
員外郎杜昉次適司封員外郎集賢校理知陝府事趙宗道
次適大理寺丞張汝士次卽某之配也故於公治官治家之
迹知之爲最詳而辭患鄙訥不能發揚公之清芬盛烈使纖

悉而明著之故舉其大槩以資名德鉅賢筆削之公用垂傳

於後世謹狀

韓魏公
安陽集

故尚書比部員外郎崔君墓誌銘

韓琦

崔君象之有道君子也余妻雖象之之姊然其相友也以賢而不以親今之云亡其子振孫等以墓有銘哀號馳訴屬余以辭余固知象之者其可不銘象之諱公孺後魏清河大房殿中尚書休之後今爲開封鄆陵人曾祖周度仕周佐堯帥慕容彥超幕帥叛以大義切責遇害贈秘書少監祖汝礪以父死節補右班殿直贈尚書兵部侍郎父立爲世名臣終尚書工部侍郎贈禮部尚書象之幼簡重有高識喜學善屬文始以父任補將作監主簿恥在蔭籍欲自取進士第既不利

有司慨然以篆刻之技不足爲遂益究覽經史百家之言至于浮屠老子之書無不探考得其淵妙視富與貴恬然不能少動其心也初監許州商稅丁尙書憂服除監許州合流鎮商稅再監許州商稅丁所生靈壽縣太君嚴氏憂服除時丞相賈魏公鎮許薦知陽翟縣事歲滿僉書忠武軍節度判官事用三司奏都太管勾許汝州石塘等河催綱累遷尙書比部員外郎熙寧四年正月十七日以疾卒年五十八象之孝悌仁恕出于天性母夫人仁壽郡太君冉氏早亡事尙書與嚴夫人朝夕左右承順顏色未嘗少懈其居喪也水漿不入口者累日及葬雖盛寒必跣足負土與傭者雜作終喪始復茹葷兄弟皆盛年物故遺孤滿室象之極力撫養不忍去爲

遠官故仕宦專以庇族爲意不復計較資品高下居官治民清約不擾見有位者必爲陳國家大計民之疾苦與夫所知之賢者冀以行其言而已未嘗自有也正人佳士雖未識面推嚮不已道或不合雖大權重位招之不往也慶歷中仁宗皇帝厲精圖治象之乃詣闕上書論十事其目曰培根本教宗室擇守宰求遺逸資孝治御英豪輕賦歛省寃滯節浮費嚴武備凡數千言引據深切而亦不求人知亡金者子得其稿于楮中于是人益知夫象之雖在小官有愛君憂國之心而自晦其德如此與人交務盡誠信以風誼自許有過失者必毅然規正無不畏而爲善周人之急厚自損刻而不以爲惠也從事許昌日官吏斷獄誤引重比同幕梁統者懼及于

譴則銓格爲廢人象之曰持議而誤在我遂請獨當其罰論者高君之義所居東北隅有亭曰葆光尙書之所創也君常處其間默坐終日外無一物能嬰其慮交游之至則以文酒爲樂往往忘其鄙吝與處士孔寧極尤相厚善每一過從則閉關談道率踰旬不忍別去素樂閑退與相知爲林泉之約願預者輒以籍記之已而皆背去其籍爲空象之笑而不怪焉然象之亦爲族屬所累未能如其素志而天又不畀其壽悲夫臨終謂諸子曰吾神識無纖豪妄亂來亦我來去亦我去此又見其達性命之深也其作詩尤工人多賞其清麗天人安福縣君程氏某官某之女柔順而正內治以修男二人長曰振孫大理寺丞次曰保孫試將作監主簿象之教之嚴

而有法而皆能承訓自飭當嗣其慶云以某年三月二十一日葬于鄭州新鄭縣某鄉尙書之兆次銘曰旣孝于家又忠于友惟德之尊富貴紛麗恬不可誘惟道之存死生之際亂則何有達性之根人雖亡矣名不朽矣事著斯文

韓魏公安
陽集同上

彥明張封公墓表

楊

溥

石首人

世謂墓表卽古人以其先人德美功烈刻之彝鼎之意然君子之居廣居立正位行大道必自植德始况君子窮居約處幸而不處變則人所稱道者又豈出乎庸德乎使人人有庸德可稱天下之爲善者不亦多乎表之亦宜也此予於贈給事中張君之墓表有作焉君諱著字彥明先世居扶溝祖諱

成甫世篤於善不求聞達考諱顯道元末嘗任山西襄陵稅課大使未幾棄官去攜家避亂辛際天朝平定海宇乃占籍于鄆陵今爲鄆陵人君自少讀書通大義謹言行得乎親見信于朋友鄉黨有窘於衣食者賙之有不能嫁娶者助之死不能葬者葬之嘗有楊氏子幼孤無所歸君收養之成人鄉人有不平質其是非無不悅服由是邑人咸稱爲長者有司聞其賢欲薦之君念親老不忍棄去辭不就及居親喪哀毀不勝衣所居僅蔽風雨簞粥或不繼處之裕如也其訓子弟則以力本務學責其成其告語鄉人則以勤儉治生爲本領使其見用則所以及人者不亦廣乎壽六十有六洪熙紀元春三月以疾卒于家越三月葬邑之西岡原先塋側執紼泣

送者數百人配劉氏扶溝刑部主事元弼女孝謹慈柔處親
黨教子孫皆有可法壽考康寧封太孺人子男七人曰謙曰
濬曰哲曰聰曰睿曰廉曰智謙由鄉貢歷代州安樂州知州
睿由庚戌進士擢行在吏科給事中聰廉智早卒女一人適
梁善孫男十有三人綸純綢維紱綜絃縉約綺繼紹續女四
人君既沒之後十有五年以子貴推恩贈徵仕郎行在吏科
給事中睿追惟先德奉光祿寺少卿王公惟善所述行狀請
表其墓夫以君之行誼固不可泯沒天恩褒譽於其既沒表
之宜也易曰積善之家必餘慶君之子孫當有以培植之

哉舊
志

堂邑令韓公墓誌銘

方拱乾

桐城人

記都門與同年韓公去病別別四年而去病卒又越二十八年而其子公琛以狀來乞誌其墓誼弗忍辭乃爲之誌公諱法愈字去病歿庵其別號也先世自洪洞遷鄆陵八傳而及封公荆璞公去病其第五子也生而具異相臟腑洞然如薛文清稍長穎悟絕倫一日十行下落筆饒夔慧十歲卽出應童子試主者憐之曰此大器當晚成勿急畀以子衿十三歲試諸生高等一時蜚譽騰于里序益肆力于學古文詩歌罔不精詣不獨制舉義冠同人也丁卯以春秋中河南鄉試第十九閭中疑公爲宿儒然其齒長乃抑之而以別卷魁本房及撤闈見公齒政少也爲展捷南宮同輩爭推之爲李鄴侯一流人不當以百里勞公坐仕得山東堂邑知縣咸曰文人